

Ժողովուրդ

124
(2974)

17 սեպտեմբերի երեքշաբթի 2024
տպագրության ԺԳ տարի

Է. Երեան, Արմլուր 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱՆԵՐԸ ՓՈՐՁՈՒՄ Է ՄԱՏՉԵԼԻ ԲՆԱԿԱՐԱՆ ՁԵՌՔ ԲԵՐԵԼ



Չլիներ 2018 թվականի իշխանափոխությունը՝ ԱԺ նախագահ Ալեն Սիմոնյանի կնոջ հայր Ջոնիկ Մարգարյանը իր ապրելակերպով թերեւս համարված կլիներ 450 հազար թոշակառուների շարքերը: Սակայն հեղափոխությունից հետո Մարգարյանը նշանակվեց Կենտրոնի փոխթաղապետ, այնուհետեւ արդարադատության նախարարությունում զբաղեցրեց «տարատեսակ ՊՈԱԿ-ների» տնօրենի պաշտոնը: Ամենահետաքրքիրն այն է, որ ունենալով Երեւանում բնակարան (գուցե բնակարաններ)՝ Ջոնիկ Մարգարյանը նաեւ մի բնակարան է փորձում ստանալ պետական ծրագրով՝ բացառիկ պայմաններում շահելով մատչելի ծրագրով նախատեսված անշարժ գույքը:

Եվ ոչինչ, որ 33-ում կան բազմաթիվ անօթեւաններ, բռնագաղթված արցախցիներ, այլ կարիքավորներ:

ArmLur.am-ը, փաստական տվյալների առկայությամբ, փորձեց Ջոնիկ Մարգարյանից ճշտել, թե այդ ինչպես է, առանց վիճակահանության կամ վիճակահանությամբ, փորձում ձեռք բերել բնակարան Գրիբոյեդով փողոցի N 48 հասցեում կառուցվող բազմաբնակարան շենքում:

Մեր մի քանի զանգերը մնացին անպատասխան, սակայն արձանագրեց, որ Ալեն Սիմոնյանի իշխանությունը գալուց հետո նրա էլ եղբայրը տան տեր դարձավ, եւ աները:

Նախկիններին «թալանչի» անվանող իշխանությունը, կարծես թե, պոզով-պոզով կոռուպցիայի մեջ է թաթախվում:

Ամեն անգամ հորդառատ անձրեւներից հետո Երեւանը վերածվում է «Յայկական Վենետիկի»: Ամեն ինչ թերեւս իսկապես գեղեցիկ կլիներ, եթե յուրաքանչյուր անձրեւից հետո ողջ Երեւանով խայտառակ իրավիճակ չստեղծվեր: Անձրեւաջրերը հեղեղում են փողոցները, խանութները, տները, իսկ մարդկանց ավտոմեքենաներն անցնում են ջրի տակ: Համապատասխան կառույցներն էլ, մեկը մյուսի վրա մեղքը բարդելով, խուսափում են պատասխանատվությունից: Երբ խնդրի առնչությամբ դիմում ենք քաղաքապետարան՝ հասկանալու, թե ի վերջո ով է պատասխանատու իրավիճակի համար, երբ կվերանա այս խայտառակ դրությունը, ուղղորդում են «Վեոլիա ջուր»՝ պարզաբանելով, որ նրանք են ջրահեռացման գործընթացի պատասխանատուն: Այս խնդիրը, թերեւս, շատ խոր արմատներ ունի: Նախ՝ Երեւանում տասնամյակներով քաղաքաշինական պլանավորում չի իրականացվում, ինչը թույլ կտար խուսափել նման իրավիճակներից, բացի դրանից՝ մայրաքաղաքում ջրատար խողովակներն ու կոյուղատարները եւս խայտառակ վիճակում են. անհիշելի ժամանակներից դրանք չեն թարմացվել, չեն նորոգվել, այդ պատճառով էլ նախատեսված գործառնությունները պատշաճ չեն իրացնում: Մայրաքաղաքում հատկապես վերջին տարիների նորակառույց բազմաթիվ բնակարաններ են ավելացել, որոնք նույնպես միացված են այդ անբարեկարգ վիճակում գտնվող ջրատար խողովակներին: Արդարության համար նշենք, որ հորդառատ անձրեւները սպառնալիք են անգամ եւրոպական շատ զարգացած երկրների, խոշոր քաղաքների համար, որտեղ նույնպես անձրեւներից հետո հեղեղ է առաջանում: Մասնավորապես, երկու օր է, ինչ հեղեղված են Լեհաստանի, Ռումինիայի, Հունգարիայի, Սլովակիայի եւ հատկապես Չեխիայի շատ քաղաքներ, գյուղեր:

Շարունակությունը՝ ArmLur.am կայքում:



Երեկ ընդդիմադիր «Տավուշը հանուն հայրենիքի» շարժման առաջնորդ Բագրատ սրբազանը խորհրդարանում հանդիպեց ԱԺ «Յայաստան» եւ «Պատիվ ունեն» խմբակցությունների հետ: Սրբազանը ԶԳ-ին եւս հենց ԱԺ-ում հանդիպելու «առաջարկ» արեց, սակայն ԱԺ փոխնախագահ Հակոբ Արշակյանը ԶԳ-ական մի սարկազմիկ պատասխան էր տվել՝ «թող զանգեն, գրանցվեն, եթե խոսելու բան ունեն»: «Ժողովուրդ» օրաթերթը տեղեկացավ, որ Բագրատ սրբազանի եւ ընդդիմադիրների հետ հանդիպումը մոտ մեկ ժամ տևեց. այն «Յայաստան» խմբակցության ղեկավար Սեյրան Օհանյանի աշխատասենյակում էր ընթանում: Մինչ այս շատ անգամներ են Բագրատ սրբազանը եւ խորհրդարանական ընդդիմությունը հանդիպել, սակայն ԱԺ-ում նմանօրինակ հանդիպում առաջին անգամ էր: «Ժողովուրդ» օրաթերթը տեղեկացավ, որ հանդիպումը նախաձեռնել էր հենց Բագրատ սրբազանը: Հանդիպման օրակարգում հիմնականում սեպտեմբերի 22-ի հավաքն է եղել, եւ Նիկոլ Փաշինյանին հանրային ճնշմամբ իշխանությունից հեռացնելու հարցը: Բագրատ սրբազանը ներկայացրել է իր տեսլականը, թե ինչ սպասելիքներ ունի այդ հավաքից, ընդդիմադիրներն էլ վերահաստատել են, որ պատրաստ են աջակցելու շարժմանը թե՛ խորհրդարանում, թե՛ փողոցային պայքարում: Բագրատ սրբազանը ներկայացրել է նաեւ այս ընթացքում տարբեր ոլորտների ներկայացուցիչների հետ հանդիպման արդյունքները, մինչ այս արված աշխատանքը, քննարկվել են նաեւ շարժման առաջիկա անելիքները: Բագրատ սրբազանը եւ ընդդիմադիրները վերահաստատել են, որ շարժման եւ պայքարի բանալին հանրության շրջանում լայն կոնսոլիդացիա ապահովելն է:



Սրբազանի արդարացման գինը դատավոր Վահե Միսակյանի վրա թանկ կնստի: Բանն այն է, որ դատական համակարգում շատ են տարածված խոսակցությունները, որ Միսակյանի լիազորությունները կդադարեցվեն, ու ԲԴԻ-ում էլ ներքին քննարկման ժամանակ կարծիքներ են հնչել, որ նրան պետք է հեռացնեն համակարգից: Ինչպես հայտնի է՝ այս տարվա մեջ երկրորդ անգամ է դատավոր Միսակյանի դեմ կարգապահական վարույթ հարուցվում: Առաջին անգամ այս տարվա ապրիլի 24-ին Բարձրագույն դատական խորհուրդը, քննելով Դատավորների ընդհանուր ժողովի էթիկայի եւ կարգապահական հարցերի հանձնաժողովի միջնորդությունը՝ Երեւան քաղաքի առաջին ատյանի ընդհանուր իրավասության քրեական դատարանի դատավոր Վահե Միսակյանին կարգապահական պատասխանատվության ենթարկելու վերաբերյալ, որոշեց բավարարել այն. Երեւան քաղաքի առաջին ատյանի ընդհանուր իրավասության քրեական դատարանի դատավոր Վահե Միսակյանին հայտարարվեց խիստ նկատողություն: Ըստ դատախազության հարդրման՝ Վազգեն Մանուկյանի գործով, իբրեւ թե, դատավարական ժամկետների խախտում կար: Դատելով իրավիճակից՝ երկրորդ վարույթը ճակատագրական ավարտ կունենա դատավորի համար:



ՔԱՂԱՔԱԿԱՆ

ԶՐՈՒՅՑ

ԻՆՉ ԵՆ ՔՆՆԱՐԿԵԼ ՍՐԲԱԶԱՆԸ ԵՎ ԸՆԴՈՒՄԱԳԻՐՆԵՐԸ

«Քննարկել ենք ընդհանուր՝ Սրբազան Երեմիայի վերաբերող հարցեր, նույնիսկ ենք մտածում, որ մենք՝ որդես ընդդիմադիր զորքեր, մյուս ընդդիմադիր հեռավորություն ենք հայտնելու...»

Այս մասին լրագրողների հետ ճեղագրություն ասաց «Հայաստան» խմբակցության ղեկավար Մեյրան Օհանյանը:



«Ինչպես գիտեք՝ այս փուլում Սրբազան Երեմիայի վերաբերող հարցեր, նույնիսկ ենք մտածում, որ մենք՝ որդես ընդդիմադիր զորքեր, մյուս ընդդիմադիր հեռավորություն ենք հայտնելու...»

ված է, օրակարգ կծեալորի, եւ այն ուղեղները, որոնք անհրաժեշտ են մեր ժողովրդին փոխանցելու, կտեղեկացվեն: Ըստ իս՝ ակնհայտ է, որ շարժման են խորհուրդը են ղեկավարությունը, նաեւ մեր ժողովուրդը, պետք է իմանան, որ յուրաքանչյուր պայքար պարունակում է համբերատար, նաեւ համառ գործողություններ, եւ այդ պարագայում յուրաքանչյուր իր դերակատարությունը պետք է ունենա. կարծում եմ՝ պետք է նաեւ, որ քայլերը շատ ձգձգվեն, պետք է լինեն հստակ գործողություններ, որոնք պայքարը կհասցնեն նպատակակետին:

«Իսկ ի՞նչ սպասումներ կան այդ օրվա հավաքից, քանի որ հիմա իշխանություններն ասում են, որ այլևս ընդդիմադիր շարժմանը չի հաջողվում մարդաբանակ ապահովել:»

«Կարծում եմ, որ այն խորհուրդը, որը սրբազանի գլխավորությամբ ձեւավոր-

մախմբում, եւ լայն համախմբումը կարող է նախապայմաններ ստեղծել այդ գործողություններին գնալու՝ նկատի ունեւ անվտանգություն հայտնելը:

Քրուցեց ՔՐԻՍՏԻՆԱ ՍՈՒՇԵՆՅԱՆԸ



ԱԳՐԵՋԱՆԸ ՊԻՏԻ ՅՈՒՅՑ ՏԱ, ՈՐ ԽԱՂԱՊՈՒԹՅՈՒՆ Է ՈՒԶՈՒՄ

Ադրբեջանի պատասխանատվությունն է նախքան COP29-ը ցույց տալ, որ անկեղծորեն ցանկանում է հասնել խաղաղության:

Այս մասին երեկ ասաց Ֆրանսիայի Եվրոպայի եւ արտաքին գործերի նախարար Ստեֆան Ամսթուրեն Երեւանում իր հայ գործընկերոջ հետ համատեղ ասուլիսում:

Հայաստանի եւ Ֆրանսիայի ԱԳ նախարարները հանդիպանք խոսել են Հայաստանի եւ Ադրբեջանի հարաբերությունների մասին:

«Ֆրանսիան աջակցում է մի պայմանագրի ստորագրմանը, որը արդար ու կայուն խաղաղություն կհաստատի՝ հարգելով երկու երկրների սուվերենությունը, տարածքային ամբողջականությունը: Սա Ավաթիում 1991-ին ստորագրված փաստաթղթի ամբողջ իմաստն է: Պրահայում եւս քաղաքական հանրությանն այս նույն գաղափարն է ներկայացվել 2022-ին»,- ասաց Ֆրանսիայի ԱԳ նախարարը՝ կարելու թելով խաղաղության հաստատումը:

Անդրադառնալով Հայաստանի եւ Ադրբեջանի միջեւ սահմանազատման գործընթացին՝ նա ասաց, որ օգոստոսի 30-ին ձեռք բերված համաձայնությունը ճիշտ ուղղությամբ է գնում: Ֆրանսիան աջակցում է այդ գործընթացին՝ հիմնվելով սուվերենության եւ տարածքային ամբողջականության սկզբունքներին:

«Հարավային Կովկասը պետք է դառնա խաղաղության եւ համագործակցության մի շրջան, որը հնարավորություն կտա զարգացնել առեստուրը, Հայաստանն էլ կբարգավաճի»,- նշեց Սեփուրեն:

Նա ընդգծեց՝ Հայաստանը, Ֆրանսիան, միջազգային հանրությունը ցանկանում են խաղաղություն:

«Քանի որ Ադրբեջանը շուտով կիրառվի COP29-ը, նրա պատասխանատվությունն է ցույց տալ, որ անկեղծորեն ցանկանում է հասնել այդ խաղաղությանը նախքան COP29-ը: Կարծում եմ՝ պետք է կարողանալ շատ արագ առաջ գնալ այս թեմայի ուղղությամբ»,- ասաց Սեփուրեն:

COP29-ը նույնպես լինի կանցկացվի Ադրբեջանում:

ՊԱՇՏՈՆԱԿԱՆ ԱՅՑ

Պաշտոնական այցով Վրաստան մեկնած Հայաստանի վարչապետ Նիկոլ Փաշինյանին թբիլիսիի «Շոթա Ռուսթավելի» միջազգային օդանավակայանում դիմավորել է Վրաստանի Տարածաշրջանային զարգացման եւ ենթակառուցվածքների նախարար Իրակլի Կարսելաձեն:

Ինչպես տեղեկանում ենք ՀՀ կառավարության տարածած հաղորդագրությունից՝ դիմավորման պաշտոնական արարողությունից հետո տեղի է ունենալու Նիկոլ Փաշինյանի եւ Վրաստանի վարչապետ Իրակլի Կարսելաձեի առանձնազրույցը, այնուհետեւ քննարկումները կշարունակվեն ընդլայնված կազմով:

Քննարկումների արդյունքներով Հայաստանի եւ Վրաստանի վարչապետները հանդես կգան հայտարարություններով:

ԱՆԴՐԱԴՐՈՋ

Ս. ՍԵՓՈՒՐԵՆԵՆ ԱՅՑԵԼԵԼ Է ՄՈՒՍԱ ԼԵՌԱՆ ՀՈՒՇԱՀԱՄԱԼԻՐ

Պաշտոնական այցով Հայաստանում գտնվող Ֆրանսիայի Եվրոպայի եւ արտաքին հարաբերությունների նախարար Ստեֆան Ամսթուրեն այցելել է Մուսա Լեռնան հերոսամարտի հուշահամալիր:

Այս մասին տեղեկանում ենք Ֆրանսիայի ԱԳ նախարարի X-ի միկրոբլոգում կատարված գրառումից:

«Մուսա Լեռան հուշահամալիրում.

1915 թվականի սեպտեմբերին 53 օր հերոսական դիմադրությունից հետո 4092 մուսալեռցի հայեր փրկվեցին ծովակալ Դարտիժի ֆրանսիացի նավաստիների կողմից եւ մազապարծեղան ցեղասպանությունից: Մենք հիշում ենք այս հայ եւ

ֆրանսիացի հերոսներին», - գրել է Ստեֆան Ամսթուրեն:

ՔՆՆԱՐԿՈՒՄ ԱՇԱԿԵՐՏՆԵՐԻ ՀԵՏ

Անկուսակցական պատգամավոր Թագուհի Թովմասյանը սոցցանցի իր էջում գրում է, որ Ազգային ժողովրդավարական ինստիտուտի (National Democratic Institute - NDI) ծրագրի շրջանակներում երեկ այցելել է Գեղարքունիքի մարզի Սեւան քաղաքի Խ. Աբովյանի անվան ավագ դպրոց: Պատգամավորը նշում է. «Հաճելի գրույց ունեցանք ավագ դպրոցի աշակերտների հետ:

Ջրույցն աշակերտներին հնարավորություն ընձեռեց անմիջականորեն լսելու

մի շարք կարեւոր հարցեր, մասնավորապես՝

- քաղաքացիական մասնակցության կարեւորությունը
• ժողովրդավարական կառավարման սկզբունքները
• ժողովրդավարության առջեւ ծառայած մարտահրավերները եւ հնարավորությունները
• թե ինչպես երիտասարդները կարող են նպաստել իրենց համայնքների ապագայի ձեւավորմանը:

Ես միշտ խրախուսում եմ աշակերտներին լինել տեղեկացված եւ ներգրավված հասարակական գործերին:

Ելույթս ավարտեցի աշակերտների համար խրախուսական ուղերձով, որպեսզի շարունակեն սովորել ժողովրդավարության մասին եւ մտածել, թե ինչպես կարող են նպաստել ժողովրդավարական գործընթացին, ինչպես հիմա, այնպես էլ ապագայում»:



ԿԵՆՍԱԹՈՇԱԿՆԵՐ

ՀԱՐՑ. Եթե լրացել է անձի՝ կենսաբուժական անցնելու արժեքը, առաջ դիմում ներկայացնելու համար նա ի՞նչ պետք է անի եւ ո՞ր ներկայանա:
Լաուրա Խաչատրյան (65 տարեկան)



ՊԱՏԱՍԽԱՆ. Տեղեկացնում ենք, որ եթե անձը ձեռք է բերել կենսաթոշակի անցնելու իրավունք, ապա առաջին հերթին պետք է նախապատրաստի կենսաթոշակ նշանակելու համար անհրաժեշտ փաստաթղթերը եւ դիմի իր բնակության (հաշվառման) վայրի կենսաթոշակ նշանակող մարմին:

Այսպես, տարիքային կենսաթոշակ նշանակելու համար նա պետք է ներկայացնի՝

- 1) դիմումը,
- 2) անձը հաստատող փաստաթուղթը,
- 3) հանրային ծառայությունների համարանիշը,
- 4) աշխատանքային ստաժը հաստատող փաստաթուղթը (աշխատանքային գրքույկը, անհրաժեշտության դեպքում՝ ստաժը հաստատող այլ փաստաթղթեր կամ արխիվային տեղեկանքներ),
- 5) սոցիալական վճար կատարած լինելու մասին ծառայության տված տեղեկանքը (կամ այդ փաստը հավաստող վճարման հանձնարարագրեր, անդորրագրեր) կամ գործատուի (Հայաստանյայց առաքելական սուրբ եկեղեցու եկեղեցականի դեպքում՝ Մայր Աթոռ սուրբ Էջմիածնի կաթողիկոսարանի) տված տեղեկանքն աշխատավարձի չափի մասին՝ ըստ տարիների եւ ամիսների,

6) լուսանկար (4 x 6 սմ չափի):


Կենսաթոշակ նշանակող ստորաբաժանումում նա լրացնում է աշխատակցի տրամադրած դիմումի ձևը, որից հետո նրան է վերադարձվում դիմումի ծանուցումը, որտեղ նշվում է դիմումի գրանցման համարը, ընդունման ամսաթիվը, ընդունող աշխատակցի ազգանունը, անհրաժեշտության դեպքում՝ լրացուցիչ փաստաթղթեր ներկայացնելու ժամկետը:

Կենսաթոշակային համակարգի իրազեկման կենտրոն

«ԺՈՂՎՈՒՐԳ». Նշենք, որ կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների եւ նրա հաշվառման վայրի մասին նշում պարունակող էջերի պատճենները:

ՄՇԱԿՈՒՅՐ

ՀԱՐՑ. Մեակութային արժեքների փորձագիտական գնահատման ի՞նչ կարգ է գործում Հայաստանի Հանրապետությունում:
Հայկ Ստեփանյան (33 տարեկան)



ՊԱՏԱՍԽԱՆ. Մշակութային արժեքների եւ մշակութային նշանակության առարկաների արվեստաբանական ու մշակութաբանական փորձաքննությունն իրականացնում է «Մշակութային արժեքների փորձագիտական կենտրոն» ՊՈԱԿ-ը: Փորձաքննության շահառուներ են հանդիսանում ՀՀ եւ օտարերկրյա քաղաքացիները եւ իրավաբանական անձինք, այդ թվում՝ ՀՀ պետական մարմինները: Փորձաքննությունն իրականացվում է ներկայացված դիմումի կամ հանձնարարության հիման վրա: Ֆիզիկական անձանց դեպքում գործընթացի սկիզբ է համարվում վերջիններիս կողմից կենտրոնի հայտագրման բաժնի դիմում ներկայացնելը, իսկ իրավաբանական անձանց դեպքում՝ գրության հրամանի, հանձնարարության, որոշման եւ փորձաքննության ենթակա իրի կամ իրերի եւ դրանց լուսանկարների տրամադրումը: Փորձաքննության առավելագույն ժամկետ է համարվում 15 օրը՝ բացառությամբ կողմերի համաձայնությամբ որոշակի ժամկետով երկարաձգելու դեպքերի: Կենտրոնը փորձաքննությունն իրականացնում է 28 ոլորտներում:

ՀՀ ԿԳՄ Նախարարություն

«ԺՈՂՎՈՒՐԳ». Փորձաքննության արդյունքում հայտատուին տրամադրվում է համապատասխան փորձագիտական եզրակացություն: Փորձաքննության դիմաց հայտատուն կատարում է վճարներ՝ «Մշակութային արժեքների արվեստաբանական եւ մշակութաբանական փորձաքննության, ինչպես նաեւ իրականացվող այլ ծառայությունների վճարների գանձման մասին» կարգի համապատասխան:

ԼՈՒՐ ԿԱԴՐ

Լուսանկարները՝ համացանցից



Երեկ Միացյալ Թագավորությունից Հայաստան են բերվել պտղաբերության, մայրության հայոց աստվածուհի, ոսկեմայր Անահիտի գլխաքանդակը եւ ծախս ձեռքը. սա մշակութային բացառիկ իրադարձություն է Հայաստանում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+8 + 11 +24 + 29	☀	Արարատ	+17 + 20 +33 + 35
☀	Կոտայքի լեռներ	+8 + 11 +25 + 29	☀	Արմավիր	+15 + 18 +33 + 35
☀	Կոտայքի նախալեռներ	+16 + 18 +29 + 30	☀	Վայոց ձորի լեռներ	+9 + 11 +25 + 27
☀	Գեղարքունիք	+9 + 11 +23 + 28	☀	Վայոց ձորի նախալեռներ	+17 + 20 +32 + 35
☀	Լոռի	+9 + 14 +23 + 27	☀	Սյունիքի հովիտներ	+17 + 21 +33 + 35
☀	Տավուշ	+12 + 17 +27 + 30	☀	Սյունիքի նախալեռներ	+14 + 17 +29 + 32
☀	Արագածոտնի լեռներ	+9 + 12 +23 + 27	☀	ԼՂՀ	+13 + 16 +27 + 31
☀	Արագածոտնի նախալեռներ	+15 + 18 +27 + 31	☀	Երեւան	+24 + 26 +30 + 32

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 16.9.2024
Տպաքանակ՝ 3968
Կազմի՝ Պետրոսյանի մարտ. ք. Կարոյան, Վ. Կարամյան 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող է կարդալ
«Ժողովուրդ» օրաթերթի այսօրվա համարում»: